

夏縣志卷首

目錄

卷首

原序

羅序

蔣序

言序

例言

十四則

圖

卷一

輿地志

沿革

星野

疆域

形勝

山川

古蹟

卷二

建置志

城池

官署

學校

倉廩

營汛

卷三

祠祀志

壇

廟

祠

卷四

賦役志

地糧

丁糧

雜稅

鹽課

戶口

差徭

卷五

災祥志

祥異

兵災

荒災

卷六

官師志

宦績

歷任令佐

歷任教職

歷任武職

卷七

人物志

賢才

卷八

人物志

選舉

仕籍

仙釋

卷九

人物志

列女

卷十

藝文志

文

賦

詩

夏縣志卷十

知縣黃縉榮重修

藝文志

文

賦

詩

漢書載上林子虛君子譏之以其無當義理也況珣
珣並列糠粃雜陳尤爲有識所竊笑哉夏邑代有名
儒必網羅其地其人之撰雖更僕不足以數斯志僅
存廿餘首錄其有關地方者而已餘率因事附見而
風雲月露之篇皆無取焉詩賦尤略聊以備體云

文

詒京兆尹許孟容書

唐柳宗元

邑人

宗元早歲與負罪者親善始奇其能謂可以共立仁義裨教化過不自料勤勤勉勵唯以忠正信義爲志興堯舜孔子道利安元元爲務不知愚陋不可以彊其素意如此也末路厄塞輓輶事旣壅隔狠忤貴近狂疏繆戾蹈不測之辜今其黨與幸獲寬貸各得善地無公事坐食奉祿德至渥也尙何敢更俟除棄廢痼希望外之澤哉年少氣銳不識幾微不知當否但欲一心直遂果陷刑法皆自所求取又何怪也宗元於衆黨人中罪狀甚甚神理降罰又不能卽死猶對人語言飲食自活迷不知恥日復一日然亦有大故自以得姓來二千五百年

代爲家嗣今抱非常之罪居夷獠之鄉卑溼昏霧恐一日填委溝壑曠墜先緒以是怛然痛恨心骨沸熱煢煢孤立未有子息荒陬中少士人女子無與爲婚世亦不肯與罪人親昵以是嗣續之重不絕如縷每春秋時饗予立捧奠顧眄無後繼者懔懔然歛歔惕恐此事便已摧心傷骨若受鋒刃此誠丈人所共閔惜也先墓在城南無異子弟爲主獨託村鄰自譴逐來消息存亡不一至鄉閭主守固以益怠晝夜哀憤懼便毀傷松柏芻牧不禁以成大戾近世禮重拜掃今闕者四年矣每遇寒食則北向長號以首頓地想田野道路士女徧滿阜

隸庸丐皆得上父邱墓馬醫夏畦之鬼無不受子孫追
養者然此已息望又何以云哉城西有數頃田樹果數
百株多先人手自封植今已荒歲恐便斬伐無復愛惜
家有賜書二千卷尙在善和里舊宅宅今三易主書存
亡不可知皆付受所重常繫心腑然無可爲者立身一
敗萬事瓦裂身殘家破爲世大僂是以當食不知辛鹹
節適洗沐盥漱動逾歲時一搔皮膚塵垢滿爪誠憂恐
悲傷無所告愬以至此也自古賢人才士秉志遵分被
謗議不能自明者以百數故有無兄盜嫂娶孤女搗婦
翁者然賴當世豪傑分明辨列卒光史冊管仲遇盜升

爲功臣匡章被不孝名孟子禮之今已無古人之實爲
而有詬欲望世人之明已不可得也直不疑置金以償
同舍劉寬下車歸牛鄉人此誠知疑似之不可辯非口
舌所能勝也鄭詹束縛於晉終以無死鍾儀南音卒獲
返國叔向囚虜自期必免范痤騎危以生易死蒯通據
鼎耳爲齊上客張蒼韓信伏斧鑕終取將相鄒陽獄中
以書自治賈生斥逐復召宣室兒寬擯厄後至御史大
夫董仲舒劉向下獄當誅爲漢儒宗此皆瓌偉博辯奇
壯之士能自解脫今以怯怯淟涒下才末伎又嬰痼病
雖欲慷慨攘臂自同昔人愈疏濶矣賢者不得志於今

必取貴於後古之著書者皆是也宗元近欲務此然力
薄志劣無異能解欲秉筆覩縷神志荒耗前後遺忘終
不能成章往時讀書自以不至觝滯今皆頑然無復省
錄讀古人一傳數紙後則再三伸卷復觀姓氏旋又廢
失假令萬一除刑部囚籍復爲士列亦不堪當世用矣
伏惟興哀於無用之地垂德於不報之所以通家宗祀
爲念有可動心者操之勿失雖不敢望歸掃塋域退託
先人之廬以盡餘齒姑遂少北益輕瘴癘就婚娶求有
嗣有可付託卽冥然長辭如得甘寢無復恨矣

遺太學諸生何蕃等書

柳宗元

詔出陽公道州僕聞悒然幸生不諱之代不能論列大
體聞下執事還陽公之南也今諸生愛慕陽公德懇悃
乞留輒用撫手喜甚昔李膺嵇康時太學生徒仰闕執
訴僕謂訖千百年不可復見乃在今日誠諸生見賜甚
厚將亦陽公漸漬導訓所致乎意公有博厚恢大之德
並容善僞來者不拒狂惑小生依託門下飛文陳愚論
者以爲陽公過於納污無人師道仲尼吾黨狂狷南郭
獻譏曾參徒七十二人致禍負芻孟軻館齊從者竊履
彼聖賢猶不免如之何其拒人也俞樾之門不拒病夫
繩墨之側不拒枉材師儒之席不拒曲士且陽公在朝

夏縣志 卷一 文 四
四方聞風貪冒苟進邪薄之夫沮其志雖微師尹之位
而人實瞻望焉與其化一州之功遠近可量哉諸生之
言非獨爲已也於國甚宜

唐司諫陽公諫論解

摘錄序引

裴

嶰 邑人

唐書曰夏縣人陽城以學行著聞隱居柳谷之北李泌
薦之徵爲諫議大夫蓋德宗貞元時也近觀河東志公
乃北平人寓居夏縣蹟著尤詳他傳亦載公姓名出處
字亢宗及進士第隱於中條山後召至京居諫院累年
不言人譏之然後言夫公始進士不仕後拜諫官旣改
國子司業尋左遷道州刺史雖不見重於朝而所在皆

有政蹟隱居則以友愛處弟妹司諫則以直言致主上
典學則以忠孝勉諸生爲吏則以撫字治庶民信乎其
賢者也公在道州至順宗立召還京師而公亦卒惜哉
然公平曰德化及人者深旣歿而人思慕之所厯之地
應皆各有祠祀但不可知今夏縣之南曰陽公鄉志賢
里也且有祠焉鄉人歲時致祭然世代久遠廟貌雖存
不知者類尊敬之其知者竟玩侮之公豈誠無可表著
而辨別者乎余往來於公之祠者旣久習見鄉人有此
二端故著諫論解以告之庶知公之德行前無疑於古
後可信於今也豈敢爲迂乃名教風化攸繫不得不爾

也

宋天章閣待制司馬府君碑銘

宋

龐

籍

君諱池字和中其先河內人晉安平獻王之後王之裔
孫征東大將軍陽始葬陝州夏縣涑水鄉高堠里子孫
因定居遂爲里人焉曾祖林祖政當五代叔運不求仕
達皆以氣節鄉黨嚴尊之考炫舉進士仕至耀州富平
令以府君登朝累贈太常少卿妣皇甫氏追封安定縣
太君少卿治行士節具於張唐卿所造墓表云府君方
嚴重默見於齟齬志度淵遠人莫窺其際讀書研求精
意不喜膚末爲文根於正道不爲琬琢而億事度物燭

見夏遠先是運兩池鹽率由蒲版亂竇津截太陽經底
柱之險路迂且惡至道中有建白開崕山道自聞喜抵
垣曲比前運減費什六七陝人無賢愚皆推服其功府
君未冠獨曰鹽利通流諸夏前之議運者未知此道之
便而利人與有而不知知而不爲謂前無仁智者乎殆
有巨害於其間耳衆皆少之而不然其說其夏山水潰
出運車泊人牛漂流不可勝計道遂廢衆始服焉景德
二年進士及第授河南府永甯縣主簿以清勤愛民聞
縣宰陳中孚傲狠人也待府君驕慢而奉之益恭不阿
意以隨其曲不求疵以彰其過人皆重之厯睦州建德

益州郫縣二尉郫民忽有訛言云戍兵將變又云羣蠻已叛富室爭瘞珍寶竄匿林野人心蠢騷知宰閭邱夢陽託他事詣府避之府君攝行縣政適在正月之望乃命開郭門然鐙恣民游樂廷中吏叩頭爭之一不聽惑由是人心安訛言止考滿搢紳薦能者十有三章遷鄭州防禦判官頃之移知光州光山縣所知交薦拜祕書省著作佐郎出監壽州安豐縣酒稅尋徙知遂州小溪縣事就除本省丞秩滿還朝會龍圖閣劉學士燭出知河南府兼留守司辟知司錄司事俄拜大常博士留守通判闕復以薦升數日入爲羣牧判官任中除尙書屯

田員外郎出知耀州擢授利州路轉運司進曹度支洎
兵部代還固求外職知鳳翔軍府事以知諫院召懇辭
不就上固知其退讓至是益嘉之進直史館府職如故
又以戶部判官召到省改判鹽鐵勾院上滋欲進擢之
以本官兼侍御史知雜事在臺拜工部郎中賜服金紫
數上疏言得失歷三司戶部度支鹽鐵副使景祐末天
章閣待制知河中府道改同州歲餘遷兵部郎中仍前
職知杭州移魏州晉州慶歷元年十一月癸未以疾終
於郡治之安靜堂享壽六十三先娶曹氏無子亡後娶
聶氏祕閣校理震之女封錢塘縣太君才淑之懿孝睦

之行著於閨門而稱於鄉黨焉先府君一年而逝三子
旦以蔭補將作監主簿服中改太常寺奉禮郎望早秀
而天光進士高等以將作監主簿簽署平江軍節度判
官公事旦光皆文雅夙成而有清直之氣是可知遺軌
之不墜矣女一人適博陵崔穀孫二人良試將作監主
簿富試中書省正字府君之捐背旦光泣護旅襯歸於
故鄉二年八月癸酉葬於涑水南原之鼃村以從先塋
二夫人耐謹按府君之爲人奉身儉潔而臨財無吝始
少卿終俸祿餘積直錢數十萬府君一毫不留盡奉諸
父而自以至貧居喪及佐永甯壅鹽不克身常乘驢人